



SO PŘEZ HŁOWU MJETAĆ JE

č. 12

- nowu frizuru wuspytać
- bul we wěstym kuće wot so mjetać
- w běhu krótkeho časa wjele zdokonjeć (dyrbjeć)

Prawa je wotmołwa **c**.

Hdyž so w přenjesenym zmysle přez hłowu mjetaš, činiš w běhu krótkeho časa wjele abo samo přewjele wěcow. Přez hłowu mjetać pak móžeš so tež z tym, zo někomu z luboznosće abo radosće lute dobroty činiš.

Dalši woznam je, so ze směchom pukać a sej předstajeć, kak so při tym po zemi waleš. A tež, hdyž so w běhu krótkeho časa wjele stawa, móža so podawki přez hłowu mjetać. Wuraz hodži so potajkim we wšelakich situacijach wužiwać.

Takle móžeš tež prajić:

- so do spěcha měć (chwatać)
- šćěpku připožić (pospěšić)

Připódla prajene:

Tež překul w sporće doprědka móžemy ze słowami »so přez hłowu mjetać« wopisować.

W přenjesenym zmysle hodži so za měrneho a flegmatiskeho čłowjeka prajić: Wón so runjewon přez hłowu njemjeta.

Příklady z rěčneho korpusa:

Ći stari a ċi nowopječeni brunačcy so jenož tak *přez hłowu mjetachu* a mějachu nuzne kaž myše w njedželach. (Pawoł Grojlich, *Młode lěta wjesneho hólca*. Budyšin 1986)

Njetrjebaš džě so takle *přez hłowu mjetać*, jenož dokelž mamy tu Praskeju hosći a wuja Handrija na wopyće! (Bohumila Šretrová, *Anonymne listy*. Budyšin 1987)

so ze směchom pukać: Woprašach so jeho, kak so frizura mjenuje. Wón wotmołwi kača rić. *My so přez hłowu mjetachmy*, dokelž běchmy wšitcy hižo kače riće widželi.

(Jurij Koch, *Wšitko štož ja widžu*. Budyšin 1992)

Hdyž so wjele stawa: »Haj«, wotmołwich, »kaž wonhlada, budžeja so podawki hnydom *přez hłowu mjetać*.« (Jurij Koch, *Koče slěbro*. Budyšin 2000)